



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“ broj: 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“ broj 96/13 i 89/16) i člana 18. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08), izdajem

### IZVJEŠTAJ O REVIZIJI GODIŠNJEG FINANSIJSKOG IZVJEŠTAJA ZA 2018. GODINU BOŠNJAČKOG POKRETA

Broj: 03-07-6-783/19  
Sarajevo, 24. april 2020. godine

## SADRŽAJ

MIŠLJENJE.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS REVIZIJE.....	4
Predmet revizije.....	4
Cilj revizije.....	4
Obim revizije.....	4
4. PRETHODNE KONTROLE I REVIZIJE.....	5
5. NALAZI I PREPORUKE REVIZIJE.....	5
5.1 NALAZI.....	5
5.2. PREPORUKE.....	9

## MIŠLJENJE

Služba za reviziju finansiranja političkih stranaka izvršila je reviziju godišnjeg finansijskog izvještaja Bošnjačkog pokreta za 2018. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Naša odgovornost je da izrazimo mišljenje na osnovu revizije koju smo izvršili.

Reviziju smo izvršili u skladu sa revizijskim standardima. Ovi standardi zahtijevaju da reviziju planiramo i izvršimo na način da prikupimo dovoljno dokaza koji nam, u razumnoj mjeri, pružaju garanciju da je stranka postupala u skladu sa odredbama Zakona o finansiranju političkih stranaka.

Revizija je na osnovu uzoraka ispitivala značajne transakcije koje potvrđuju iznose u finansijskom izvještaju, ocjenu računovodstvenih načela prilikom sastavljanja finansijskih izvještaja i postupanje u skladu sa odredbama Zakona o finansiranju političkih stranaka.

Smatramo da revizija koju smo izvršili pruža razumnu osnovu za izražavanje našeg mišljenja.

**Revizijom godišnjeg finansijskog izvještaja za 2018. godinu, utvrđeno je da je Bošnjački pokret prekršio odredbe člana 4. stav (1), člana 5. stav (4), člana 11. stav (1) i člana 12. stav (1) i člana (4) Zakona o finansiranju političkih stranaka.**

**Prema našem mišljenju, osim navedenog, revidirani finansijski izvještaj ukazuje da je Bošnjački pokret u 2018. godini postupao u skladu sa odredbama Zakona o finansiranju političkih stranaka.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je reviziju godišnjeg finansijskog izvještaja Bošnjačkog pokreta za 2018. godinu.

Revizija je preduzeta u skladu sa članom 10. stav (1) Zakona o finansiranju političkih stranaka, članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka. Zbog činjenice da se revizija obavlja provjerama na bazi uzorka i da postoje ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja za 2018. godinu, Bošnjački pokret se finansirao iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	211,66	3,98
2.	Prilozi fizičkih lica ( 3-a )	107,57	2,02
3.	Prilozi pravnih lica ( 3-b )	4.999,00	94,00
4.	Prihodi od imovine ( 3-c )	0,00	0,00
5.	Prihodi od dobiti preduzeća u vlasništvu političke stranke ( 3-d )	0,00	0,00
6.	Prihodi od poklona ( 3-e )	0,00	0,00
7.	Prihodi iz budžeta ( 3-f )	0,00	0,00
8.	Prihodi od propagande ( 3-g )	0,00	0,00
<b>I</b>	<b>Ukupni prihodi (1-8)</b>	<b>5.318,23</b>	<b>100,00</b>
<b>II</b>	<b>Ostali prihodi i drugo</b>	<b>0,00</b>	<b>0,00</b>
	<b>Izvori finansiranja (I+II)</b>	<b>5.318,23</b>	<b>100,00</b>

U godišnjem finansijskom izvještaju stranka je iskazala rashode u ukupnom iznosu od 5.299,48 KM.

## 2. PREDSTAVLJANJE POLITIČKE STRANKE

Naziv političke stranke: Bošnjački pokret. Skraćeni naziv: BP

Politička stranka Bošnjački pokret registrovana je kod Općinskog suda u Sarajevu, rješenjem broj: 065-0-F1-16-000011 od 21.08.2017. godine.

Sjedište političke stranke je u Sarajevu, Blažuj, Kovačevac 164.

Lice ovlašteno za zastupanje stranke je Sejfudin Tokić, predsjednik.

Lice ovlašteno za finansijske izvještaje za 2018. godinu je Jasmina Fetahović.

Prema podacima iz godišnjeg finansijskog izvještaja za 2018. godinu, politička stranka ima sljedeću organizacionu strukturu:

-Središnji ured.

## 3. OPIS REVIZIJE

**Predmet revizije** je godišnji finansijski izvještaj Bošnjačkog pokreta za 2018. godinu.

**Cilj revizije** je da se na osnovu provedenih revizijskih procedura pribave revizijski dokazi, koji će revizoru omogućiti da izrazi mišljenje o tome da li je Bošnjački pokret u izvještajnom periodu postupao u skladu sa odredbama Zakona o finansiranju političkih stranaka.

**Obim revizije** finansijskih izvještaja Bošnjačkog pokreta obuhvata kontrolu finansijske dokumentacije i provođenje analitičkih procedura radi utvrđivanja usklađenosti podataka koje je stranka iskazala u

finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

#### **4. PRETHODNE KONTROLE I REVIZIJE**

Nakon obavljenog pregleda godišnjeg finansijskog izvještaja Bošnjačkog pokreta za 2017. godinu, Služba za reviziju je izdala Izvještaj o pregledu sa mišljenjem revizora, nalazima revizije i preporukama stranci da vodi potpune i tačne evidencije o svojim rashodima i obavezama i da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa odredbama Pravilnika o godišnjim finansijskim izvještajima političkih stranaka.

##### **Nerealizovane preporuke:**

Na osnovu uočenih nedostataka u godišnjem finansijskom izvještaju za 2018. godinu, utvrđeno je da Bošnjački pokret nije ispoštovao preporuke revizije.

#### **5. NALAZI I PREPORUKE REVIZIJE**

##### **5.1 NALAZI**

##### **a) Bošnjački pokret prekršio je odredbe člana 4. stav (1) Zakona o finansiranju političkih stranaka<sup>1</sup>.**

Bošnjački pokret je u poslovnim knjigama i godišnjem finansijskom izvještaju za 2018. godinu iskazao ukupne rashode u iznosu od 5.299,48 KM.

S obzirom da stranka nije sačinila program utroška sredstava za 2018. godinu, odnosno da je finansijska sredstva stranke utrošila bez programa utroška, prekršila je odredbe člana 4. stav (1) Zakona o finansiranju političkih stranaka.

##### **b) Bošnjački pokret prekršio je odredbe člana 5. stav (4) Zakona o finansiranju političkih stranaka<sup>2</sup>.**

(1) Služba za reviziju je utvrdila da stranka u poslovnim knjigama nije evidentirala niti u godišnjem finansijskom izvještaju iskazala nenovčane priloge koje je primila od jednog fizičkog lica po osnovu besplatnog korištenja poslovnog prostora i neplaćanja troškova električne energije, grijanja i vode u periodu od 01.01.-31.12.2018. godine, čime je prekršila odredbe člana 5. stav (4) Zakona o finansiranju političkih stranaka.

Uvidom u Ugovor o korištenju prostora od 01.09.2017. godine, utvrđeno je da je jedno fizičko lice ustupilo stranci na korištenje poslovni prostor, površine 49 m<sup>2</sup>, bez naknade, uz obavezu da stranka izmiruje troškove električne energije, grijanja i vode. Stranka je, tokom obavljanja revizije, dostavila Potvrdu od 31.12.2018. godine iz koje je utvrđeno da se vlasnik prostora odrekao prava na naknadu za korištenje prostora, te troškova električne energije, grijanja i vode za period od 01.01.-31.12.2018. godine.

Bošnjački pokret je korištenjem poslovnog prostora bez plaćanja zakupnine, te neplaćanjem troškova električne energije, grijanja i vode ostvario nenovčane donacije, koje je u skladu sa Pravilnikom o godišnjim finansijskim izvještajima političkih stranaka i Zakonom o finansiranju političkih stranaka imao obavezu da evidentira u poslovnim knjigama i prijavi u godišnjem finansijskom izvještaju za 2018. godinu.

<sup>1</sup> U skladu sa odredbom člana 4. stav (1) Zakona o finansiranju političkih stranaka, stranka finansijska sredstva iz člana 3. stav (1) ovog zakona može koristiti isključivo za ostvarivanje ciljeva utvrđenih svojim programom i statutom.

<sup>2</sup> Političke stranke dužne su voditi evidenciju o prijemu članarina i dobrovoljnih priloga, te izdavati potvrde o prijemu članarina i dobrovoljnih priloga.

(2) Stranka nije izdala potvrde o prijemu priloga od fizičkih lica, što je suprotno odredbama člana 5. stav (4) Zakona o finansiranju političkih stranaka i člana 6. Pravilnika o godišnjim finansijskim izvještajima političkih stranaka-u daljem tekstu: Pravilnik.

**c) Bošnjački pokret prekršio je odredbe člana 11. stav (1)<sup>3</sup> i člana 12. stav (1)<sup>4</sup> i stav (4)<sup>5</sup> Zakona o finansiranju političkih stranaka.**

Bošnjački pokret je godišnji finansijski izvještaj podnio nakon zakonom propisanog roka, nije vodio potpune i pravilne evidencije o prometu putem računa, prihodima, rashodima i obavezama, niti je pravilno popunio obrasce finansijskog izvještaja, čime je prekršio odredbe člana 11. stav (1) i člana 12. stav (1) i stav (4) Zakona o finansiranju političkih stranaka i računovodstvene propise.

(1) Bošnjački pokret je godišnji finansijski izvještaj podnio u elektronskoj formi putem aplikacije „FI CIK BIH“ nakon zakonom propisanog roka.

Centralna izborna komisija BiH je aktom, broj: 03-07-6-129-1/19 od 12.02.2019. godine, obavjestila Bošnjački pokret o obavezi podnošenja godišnjeg finansijskog izvještaja za 2018. godinu. Kako stranka nije dostavila godišnji finansijski izvještaj u zakonom propisanom roku, stranci je poslata i urgencija, broj: 03-07-6-395-1/19 od 17.04.2019. godine da dostavi godišnji finansijski izvještaj za 2018. godinu.

S obzirom da Bošnjački pokret ni nakon urgencije nije dostavio godišnji finansijski izvještaj, Služba za reviziju je najavila reviziju finansijskog poslovanja u prostorijama stranke.

Nakon obavljene revizije u prostorijama stranke, a prije izdavanja izvještaja o reviziji, stranka je godišnji finansijski izvještaj podnijela u elektronskoj formi putem aplikacije „FI CIK BIH“, te je odštampane obrasce godišnjeg finansijskog izvještaja za 2018. godinu dostavila Centralnoj izornoj komisiji Bosne i Hercegovine dana 10.02.2020. godine.

Služba za reviziju je utvrdila da stranka nije postupila u skladu sa odredbama člana 3. stav (1) i člana 7. Pravilnika, odnosno nije Centralnoj izornoj komisiji Bosne i Hercegovine dostavila obrazac 1-1 (organizaciona struktura političke stranke) godišnjeg finansijskog izvještaja u čvrstoj kopiji.

(2) Revizijom finansijskog izvještaja utvrđeno je da stranka u poslovnim knjigama nije evidentirala sve prihode, rashode i obaveze, te promet ostvaren putem transakcijskog računa broj: 1994990011756513 kod Sparkasse bank dd BiH, što ukazuje da poslovne knjige nisu vođene u skladu sa računovodstvenim propisima, te da Završni račun za 2018. godinu ne odražava stvarno stanje prihoda, rashoda, imovine i obaveza na dan 31.12.2018. godine.

(3) Bošnjački pokret u godišnjem finansijskom izvještaju nije prijavio sve račune i nije iskazao tačne podatke o prometu ostvarenom putem transakcijskog računa broj: 1994990010105088 kod Sparkasse bank dd BiH, čime je prekršio odredbe člana 11. Pravilnika.

1. Uvidom u Izvještaj Centralne banke Bosne i Hercegovine o računima pravnog lica, utvrđeno je da stranka nije u finansijskom izvještaju iskazala transakcijski račun broj: 1994990011756513 kod Sparkasse bank dd BiH (aktivan od 21.05.2018. godine) i devizni račun broj: 1993579981 (aktivan od 01.10.2018. godine).

<sup>3</sup> U skladu sa odredbom člana 11. stav (1) Zakona o finansiranju političkih stranaka, politička stranka je dužna voditi poslovne knjige u skladu sa računovodstvenim propisima.

<sup>4</sup> U skladu sa odredbom iz člana 12. stav (1) Zakona stranka je dužna uspostaviti evidencije o svim prihodima i rashodima. Politička stranka dužna je Centralnoj izornoj komisiji Bosne i Hercegovine podnijeti finansijski izvještaj za svaku kalendarsku godinu (računovodstvenu godinu).

<sup>5</sup> Do 31.3. naredne godine politička stranka podnosi finansijski izvještaj u formi koju odobri Centralna izborna komisija Bosne i Hercegovine. Centralna izborna komisija Bosne i Hercegovine donosi propise za provođenje odredbi kojima se bliže utvrđuju sadržaj, forma, način i drugi detalji izvještavanja.

Služba za reviziju je utvrdila da je stranka u Prijavi za ovjeru političke stranke za učešće na Opštim izborima 2018. godine navela transakcijski račun broj: 1994990011756513 kod Sparkasse bank dd BiH kao namjenski račun za finansiranje izborne kampanje. Takođe, utvrđeno je da je stranka 25.05.2018. godine i 01.06.2018. godine sa ovog računa uplatila taksu za ovjeru učešća na Opštim izborima 2018. godine, u ukupnom iznosu od 10.000,00 KM, kao i da je dana 20.07.2018. godine na isti račun izvršen povrat sredstava u iznosu od 5.000,00 KM, što ukazuje da je putem ovog računa ostvaren promet.

Imajući u vidu da stranka nije Službi za reviziju dostavila izvode sa transakcijskog računa broj: 1994990011756513 kod Sparkasse bank dd BiH, te da je u Obavještenju Sparkasse bank dd BiH od 08.08.2019. godine navedeno da je navedeni transakcijski račun zatvoren zbog neaktivnosti duže od godinu dana, ne možemo utvrditi koliko je iznosio promet ulaza niti promet izlaza po ovom računu tokom 2018. godine, odnosno da li je stranka putem ovog računa primila priloge ili druge prihode kojim je platila taksu ili druge račune.

2. Stranka je u poslovnim knjigama iskazala promet ostvaren putem deviznog računa u valutama EUR i CHF, ali u godišnjem finansijskom izvještaju nije navela ovaj račun niti promet po ovom računu.

Uvidom u dostavljene izvode sa deviznog računa, utvrđeno je sljedeće:

- Ukupan promet ulaza na deviznom računu u EUR-u iznosio je 107,57 KM, ukupan promet izlaza 107,44 KM, a saldo na dan 01.06.2018. godine 0,13 KM i

- Ukupan promet ulaza na deviznom računu u CHF-u iznosio je 81,66 KM, ukupan promet izlaza 78,88 KM, a saldo na dan 30.04.2018. godine u iznosu od 2,78 KM.

3. Podaci iskazani u obrascu 2 (pregled prometa svih transakcijskih računa političke stranke) godišnjeg finansijskog izvještaja o prometu i saldu na transakcijskom računu broj: 1994990010105088 kod Sparkasse bank dd BiH ne odgovaraju podacima iz izvoda sa ovog računa, niti podacima iz poslovnih knjiga.

Stranka je u obrascu 2 godišnjeg finansijskog izvještaja iskazala sljedeće podatke o stanju i prometu ostvarenom putem transakcijskog računa broj: 1994990010105088 kod Sparkasse bank dd BiH: početno stanje u iznosu od 4,50 KM, ukupan promet ulaza u iznosu od 5.463,35 KM, ukupan promet izlaza u iznosu od 5.455,78 KM i saldo na dan 31.12.2018. godine u iznosu od 12,07 KM.

Kontrolom izvoda sa navedenog transakcijskog računa utvrđeno je da je početno stanje na dan 01.01.2018. godine iznosilo 4,50 KM, ukupan promet ulaza 5.274,12 KM, ukupan promet izlaza 5.269,46 KM, te da stranka na dan 30.11.2018. godine, odnosno 31.12.2018. godine<sup>6</sup> nije imala sredstava na računu.

Služba za reviziju je utvrdila i da stranka u poslovnim knjigama nije evidentirala promet po izvodu broj: 23 od 30.11.2018. godine, tako da promet iskazan u poslovnim knjigama ne odgovara podacima iz izvoda za iznos od 9,16 KM, te da troškovi bankarskih naknada u iznosu od 9,16 KM nisu evidentirani na kontu troškova.

Pored navedenog, utvrđeno je da je stranka u poslovnim knjigama na kontu prelaznog računa na dan 31.12.2018. godine iskazala saldo u iznosu od 11,18 KM, iako ovaj konto ne bi trebao imati saldo na kraju izvještajnog perioda.

- (4) Stranka u godišnjem finansijskom izvještaju nije iskazala promet ostvaren putem blagajne, čime je prekršila odredbe člana 12. Pravilnika.

---

<sup>6</sup> Stranka je dostavila izvod broj: 23 od 30.11.2018. godine kao posljednji izvod sa transakcijskog računa u 2018. godini.

Prema podacima iz poslovnih knjiga i izvoda sa transakcijskog računa broj: 1994990010105088, utvrđeno je da je ukupan promet ulaza u blagajnu, odnosno izlaza iz blagajne iznosio 4.535,00 KM.

Uvidom u dokumentaciju o gotovinskim isplatama, utvrđeno je da stranka nije sačinjavala blagajničke izvještaje, da nalozi uplate i isplate nisu sastavljeni na ispravan način i da nisu potpisani od strane blagajnika, odnosno primaoca sredstava.

Stranka je u blagajničkom nalogu uplate broj: 18-800-000001 od 31.12.2018. godine evidentirala sve uplate gotovog novca u blagajnu u ukupnom iznosu od 4.535,00 KM, iako su sredstva isplaćena sa transakcijskog računa u periodu od 30.04. do 06.11.2018. godine. Takođe, u blagajničkom nalogu isplate broj: 18-810-000001 od 31.12.2018. godine evidentirane su sve isplate po osnovu putnih naloga izdatih na ime tri fizička lica u periodu od 08.03.2018. do 28.10.2018. godine u ukupnom iznosu od 4.535,00 KM.

- (5) Bošnjački pokret nije popunio obrasce 3 (izvori finansiranja) i 3-a (prilozi fizičkih lica) godišnjeg finansijskog izvještaja u skladu sa odredbama člana 13. i 14. Pravilnika.

U godišnjem finansijskom izvještaju stranka je iskazala prihode od članarine u iznosu od 211,66 KM, a u obrascu 3-a prilog fizičkog lica Fuada Jusića u iznosu od 107,57 KM.

Kontrolom izvoda sa transakcijskog računa broj: 1994990010105088 kod Sparkasse bank dd BiH i deviznih računa koje je stranka dostavila, utvrđeno je da je stranka primila sredstva od sljedećih fizičkih lica: Fuada Jusića u iznosu od 100,00 KM, Rasima Omerspahića u iznosu od 81,66 KM, Alije Mujanovića u iznosu od 107,57 i Sejfudina Tokića u iznosu od 30,00 KM.

S obzirom da odlukom ili drugim aktom stranke nije utvrđena visina članarine, a imajući u vidu odredbe člana 5. stav (1)<sup>7</sup> i stav (2)<sup>8</sup> Zakona o finansiranju političkih stranka, sve uplate fizičkih lica se smatraju prilogima fizičkih lica koje je stranka trebala, u skladu sa članom 14. Pravilnika, iskazati u obrascu 3-a (prilozi fizičkih lica) godišnjeg finansijskog izvještaja.

- (6) U obrascu 3-b (prilozi pravnih lica) iskazan je prilog Bošnjačkog pokreta u iznosu od 4.999,00 KM, sa napomenom da je riječ o povratu pologa zbog neučestvovanja na izborima.

Uvidom u izvod broj: 14<sup>9</sup> od 28.07.2018. godine, utvrđeno je da su na transakcijski račun broj: 1994990010105088 uplaćena sredstva sa računa Bošnjačkog pokreta-za učešće na izborima, što ne predstavlja prihod stranke, niti prilog pravnog lica.

S obzirom da je stranka interni prenosa sredstava između računa političke stranke iskazala kao prilog, prekršila je odredbe čl. 13. i 15. Pravilnika.

- (7) Stranka nije u poslovnim knjigama evidentirala i u godišnjem finansijskom izvještaju iskazala nenovčane donacije fizičkog lica po osnovu besplatnog korištenja poslovnog prostora i neplaćanja troškova električne energije, grijanja i vode, niti troškove po istom osnovu, čime je prekršila odredbe čl. 13, 18, 21. i 22. Pravilnika

- (8) Uvidom u poslovne knjige, kopiju putnih naloga i blagajnički nalog isplate, utvrđeno je da su putni nalozi isplaćeni za tri fizička lica koja nisu zaposlenici stranke, gotovinski iz blagajne u ukupnom iznosu od 4.535,00 KM. Stranka na isplaćena sredstva koja imaju karakter ličnih primanja, nije obračunala niti platila porez i pripadajuće doprinose.

---

<sup>7</sup> Članarinom se, u smislu ovog zakona, smatra redovni novčani iznos koji član političke stranke plaća na način i pod uslovima utvrđenim njenim statutom ili drugim aktom.

<sup>8</sup> Dobrovoljnim prilogima, u smislu ovog zakona, smatraju se povremene ili redovne uplate kojima fizička ili pravna lica dobrovoljno daju novac političkoj stranci u iznosu većem od iznosa članarine, kao i pružanje usluga ili davanje proizvoda političkoj stranci bez naplate.

<sup>9</sup> Transakcijski račun broj: 1994990010105088.



U skladu sa odredbama Zakona o finansiranju političkih stranaka i Pravilnika, stranka je imala obavezu da u poslovnim knjigama i finansijskom izvještaju prijavi troškove i obaveze po osnovu poreza i doprinosa na isplaćena sredstva fizičkim licima.

## 5.2. PREPORUKE

*Preporučuje se Bošnjačkom pokretu da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:*

- *da finansijska sredstva obezbijedena za finansiranje stranke koristi u skladu sa planom utroška sredstava, a za ostvarivanje ciljeva utvrđenih programom i statutom stranke,*
- *da vodi evidencije o primljenim priložima,*
- *da poslovne knjige vodi u skladu sa računovodstvenim propisima, odnosno da vodi potpune i pravilne evidencije o prihodima, rashodima i obavezama i*
- *da finansijske izvještaje koje podnosi Centralnoj izbornoj komisiji Bosne i Hercegovine dostavlja u zakonom propisanom roku i popunjava u skladu sa Pravilnikom o godišnjim finansijskim izvještajima političkih stranaka.*

*Takođe se preporučuje:*

- *da poštuje i druge propise, prevashodno poreske, iz kojih proističu dodatne obaveze i troškovi, koje politička stranka treba izmirivati i evidentirati u poslovnim knjigama i finansijskom izvještaju koji podnosi Centralnoj izbornoj komisiji BiH i*
- *da uspostavi upravljanje gotovinom putem blagajne i uvede obavezu vođenja blagajničkih izvještaja na dnevnom nivou uz obavezne priloge (nalog uplate i nalog isplate; dokumenta na osnovu kojih se vrše isplate putem blagajne). Poslovanje blagajne treba urediti tako da se razgraniče dužnosti odobravanja isplate, evidentiranja i isplate gotovine uz prethodno definisanje visine blagajničkog maksimuma.*

### **KOMENTAR:**

U ostavljenom roku, Bošnjački pokret dostavio je primjedbe na Preliminarni izvještaj o reviziji finansijskog izvještaja za 2018. godinu. Stranka uz primjedbe nije dostavila dokaze, dodatnu dokumentaciju niti je izvršila korekcije u finansijskom izvještaju, tako da Služba za reviziju nije uvažila dostavljene primjedbe.

Šef Odsjeka za revizijske poslove, revizor

Sanja Tošović

Pomoćnik revizora

Mr sc. Goran Cicović

Šef Službe za reviziju

Mr.sc Hasida Gušić